



Број: 01,02,03/11, 04/8-05-2-746/83
Сарајево, 12. 5. 2023.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
S A R A J E V O

PRIMLJENO: 16. 05. 2023.

Organizaciona jedinica	Klasifikaciona oznaka	Redni broj	Broj priloga
01,02,03/11-05-1	700-1/23		

B

**IZVJEŠTAJ O UČEŠĆU NA TREĆOJ PLATFORMI „PREMOŠTAVANJE
RAZLIKA“ (BRIDGING THE GAP) – POLITIČKO UČEŠĆE MLADIH I POLITIKA
MLADIH S PARLAMENTARCIMA ZAPADNOG BALKANA**

BRISEL (KRALJEVINA BELGIJA), 25 – 27. APRILA 2023.

Poslanici iz Predstavničkog doma Parlamentarne skupštine Bosne i Hercegovine Ermina Salkičević-Dizdarević i Albin Muslić učestvovali su u radu Treće platforme pod nazivom “Premoštavanje razlika – političko učešće mladih i politike mladih”, koja se od 25. do 27. aprila održala u Evropskom parlamentu u Briselu, a u organizaciji s Evropskom komisijom (EC) i Regionalnim vijećem za saradnju (RCC).


U radu svih šest panela, osim poslanika iz BiH, učestvovali su parlamentarci iz Evropskog parlamenta, parlamentata Srbije, Crne Gore, Makedonije i Kosova, te predstavnici organizacija civilnog društva iz navedenih zemalja, kao i predstavnici RCC-a.

Glavne teme razgovora bile su: približavanje zemalja Zapadnog Balkana članstvu u EU i uloga mladih lidera, dezinformacija, zelena i digitalna tranzicija, depopulacija i odlazak mladih iz regiona uz snažan naglasak na "odliv mozgova", kao i potreba uspostavljanja snažnije regionalne saradnje zemalja Zapadnog Balkana na njihovom putu ka punopravnom članstvu u Evropskoj uniji. Osim aktivnog učešća u radu svih šest panela, u okviru rasprave o zelenoj ekonomiji, poslanica Salkičević-Dizdarević posebno je naglasila potrebu drugačijeg rješavanja pitanja odlaganja nuklearnog otpada na lokaciji Trgovska gora i apelirala na institucije EU da se aktivnije uključe u ovaj proces kako bi zaista i pokazale da vode računa o zemljama Zapadnog Balkana. Također, otvorila je pitanje energetske stabilnosti EU, a direktno i naše zemlje, posebno u kontekstu provođenja Direktive EU o velikim ložištima.

Poslanik Muslić imao je poseban osvrt na činjenicu da je u posljednje tri decenije 24% stanovništva iselilo iz BiH, posebno mlade, obrazovane i osposobljene osobe te činjenicu da mlade osobe žele stimulativno okruženje u kojem mogu iskazati svoj puni potencijal, a ne samo dobiti deklarativnu podršku.

U okviru ove posjete Briselu, poslanici su prisustvovali i zasjedanju Odbora Evropskog parlamenta za vanjske poslove (AFET) kao i Odbora EP za kulturu i obrazovanje (CULT).

Ermina Salkičević-Dizdarević



Albin Muslić



Dostaviti:

- Kolegiju Predstavničkog doma
- Kolegiju Doma naroda
- Komisiji za vanjske poslove Predstavničkog doma
- Kolegiju Sekretarijata PSBiH
- Sektoru za međunarodne odnose i protokol

Kopija: Ministarstvo vanjskih poslova Bosne i Hercegovine